

問此論勝利其相云何答隨順解脫斷除繫
縛順空無我違我我所顯無我理遮數取趣
開覺意息昏迷遣愚癡生智慧斷疑網與波
定背雜染向清淨訶流轉讚還滅捨生死得
涅槃摧破一切外道邪論成立一切佛法正
論此論勝利其相如是

阿毗達磨大毗婆沙論卷第一

御製聖教序

窺頌并鑑
反鑑鑑字庸愚容上音苞必交
反毫釐下力之反控告育
反毫釐正作釐抑力
天區丘俱鄙卑美拯必交
反慈朗詎音紛糺下俱奘
反慨正作慨訛謬上音和反
反詎正作訛下苗幼反析拆同二
先擊集遙反拯尼輔
先擊邁莫敗蹠尼輔
先擊馳驟下助篋苦帖
木鬼上許反臻惻巾
木鬼反弦玄犬卉
闡昌演反軌躅下俱水反綜子宋宏惠蒲肩反天翔祥黔黎上巨任汝富反𧈧蟲直弓反下匱

聖記

求信甸殿嵩華上息弓反靡滿彼萬區俱反
齋亂上音佛下尼力
苾芻二反下楚集天脰反遲衍尼上音纂集
管灰鄖柵上一古又一纜郎矣串習上俱
情今作諷頃上方呴盞益上烏骨反磨塗下烏竹反筏
伐踞音飄反燒刀鳥反蹠七何叢草歲謬
業反同虛苗幼栖音酒洗正作鉤鉤俟反敵徒的脇骨
業反同虛苗幼栖音酒洗正作鉤鉤俟反敵徒的脇骨

阿毗達磨大毗婆沙論卷第二

惻二

五百大阿羅漢等造三藏法師玄奘奉詔譯
雜蘊第一中世第一法納息第一之一
云何世第一法如是等章及解章義既領會
已次應廣釋問何故作此論答爲欲分別契
經義故謂契經中佛世尊說若有一類於諸

行中不能如理思惟能起世第一法無有是處若不能起世第一法能入正性離生無有是處若不能入正性離生能得預流一來不能阿羅漢果無有是處若有一類於諸行中能如理思惟起世第一法斯有是處乃至廣說契經雖說世第一法名而不廣辯世第一法義契經既是此論依處彼所不顯示者今應廣分別之由是因緣故作斯論問何故作論依契經耶答彼作論者意欲爾故隨彼意欲而作此論不違法性何煩徵詰復次一切阿毗達磨皆爲解釋契經中義以廣分別諸經義故乃得名爲阿毗達磨故彼尊者於諸經中纂集種種不相似義分別解釋立爲雜蘊乃至纂集種種見趣分別解釋立爲見蘊然於所立八種蘊中皆具分別一切法相問何故尊者論初先說世第一法爲順次第說諸功德爲逆次第說諸功德爲依順次第說先後次第而說耶設尔何失若順次第說諸

功德者應先說不淨觀或持息念等次說念住次說三義觀次說七處善次說緩次說頂次說忍然後應說世第一法若逆次第說諸功德者應先說阿羅漢果次說不還次說一來次說預流次說見道然後應說世第一法若依順決擇分先後次第而說者應先說緩次頂次忍然後應說世第一法如尊者妙音生智論說云何緩云何頂云何忍云何世第一法若不依此三種次第即所造論有雜亂失如佛在世尊者大迦多衍那成就無邊希有功德於無量法自相共相無障礙智隨欲現前勇猛精進恒無斷絕已能善入阿毗達磨文義大海無邊覺慧不可傾動如妙高山爲大論王能伏他論自所立論無能當者今尊者迦多衍尼子亦復如是何故造論先說世第一法耶答諸師於此種種異說謂或有說今於此中非順次第說諸功德非逆次第說諸功德亦不依彼順決擇分先後次第而

說但作論者意欲亦故隨彼意欲而作此論
不違法相何煩徵詰有作是說阿毗達磨性
相所顯非如契經寧求次第阿毗達磨以廣
論道決擇諸法真實性相此既繁雜不應於
中求其次第若求次第文但增繁於義無益
復有說者不應詰問作論者意以經先說世

第一法廣說如前今此論師依經造論故亦
先說世第一法問置作論者何故經中世尊
先說世第一法答觀所化者分齊說故謂佛
觀所化者已得下中品忍未得上品忍及世
第一法欲令得故說如是言若有一類於諸
行中不能如理思惟能起世第一法無有是
處乃至廣說此中如理思惟顯上品忍世第
一法正說自名故佛世尊觀所化者修行分
齊作如是說或有說者為止於此多誹謗故
謂他於此世第一法起多誹謗是故先說多
誹謗者謂於自性及於名界現前退中皆起
誹謗於自性起誹謗者謂或有說信等五根

以爲自性於名起誹謗者謂或有說此名種
姓地法不應名世第一法

於界起誹謗者謂或有說此是欲色界繫或
復有說此色無色界繫或復有說此是三界
繫或復有說此是三界繫及不繫或復有說
此非三界繫亦非不繫於現前起誹謗者謂

側二

三

或有說此法多念相續現前於退起誹謗者
謂或有說此法可退爲止如是種種誹謗是
故先說世第一法有餘師說諸有漏法皆不
牢固如糞掃淤泥誰於此中牢固最勝譬如有
醍醐謂世第一法是故先說有說此法隨順
無我是故先說謂此論中讚歎出離解脫涅槃
隨順無我非如外典讚歎受用諸欲樂具
隨順我執世第一法有法聲故旣順無我與
此論同非如燶等無有法聲不同此論隨順
無我故此先說世第一法有說此法世法中
勝是故先說謂諸論中此論最勝世第一法
世法中勝與此論同是故先說有說若有住

此法時名佛出世真實利益彼於尔時得無障礙受用勝義聖法財故謂佛出世衆生入法凡有二種一者世俗二者勝義世俗者謂剃除鬚髮被以法服正信出家勝義者謂世第一法無間引生苦法智忍世俗入法有二種過一者破戒二者歸俗勝義入法無如是過隨其種姓自在證得大乘功德無退失故有說若有住此法時無始時來聖道門閉今創能開捨未曾捨諸異生性得未曾得所有聖道是故先說世第一法有說若有住此法時捨異生名得聖者名捨異生數得聖者數捨異生分齊得聖者分齊捨異生種姓得聖者種姓是故先說世第一法有說若有住此法時得心不得心因得明不得明因得受不得受因餘心所亦尔是故先說世第一法有說若有住此法時捨曾習緣得未曾習緣捨共得不共捨世間得出世間捨有愛味得無愛味捨耽嗜依得出離依是故先說世第

一法有說爲斷疑異生性是故先說世第一法謂或有疑此異生性既無有始應亦無終今顯其有終即世第一法有說若有住此法時異生過患異生變異異生虛誑異生剛強悉不復起煩頂忍位或有起者是故先說世第一法有說異生起此法已要至非異生位方得命終如異生非異生如是未見諦已見諦未得果已得果未入正性離生已入正性離生未起現觀已起現觀住不定聚住正定聚無聖道有聖道無證淨有證淨應知亦余煩頂忍等即不決定是故先說世第一法有說若有起此善根惟一剎那必無停滯煩等不尔是故先說世第一法有說若有住此法時異生身中念住等行修至究竟煩等不尔是故先說世第一法有說若有住此法時說名最初有漏心斷無漏心續餘位不尔是故先說世第一法有說此法能令異生可傾動身而不傾動是故先說如妙高山踞金輪上

四方猛風不能傾動如是異生安住此法四
倒惡見不能傾動餘異生位即不如是有說
此法猶如明相能表始終是故先說謂如明
相表盡分始及夜分終世第一法亦復如是
顯聖道始及異生終如表始終如是能表正
度已度趣入已出加行究竟應知亦余餘位

不然有說顯此住同法中能有異相是故先
說謂世第一法雖苦諦攝而無間引生初滅
苦道雖有世間流轉老死薩迦耶攝而能引
生初滅彼道緩等不然有說顯此雖是世間
緣而能無間引初出世緣餘位不尔是故先
說如世間出世間緣如是有垢無垢有過無

惻二

五

盛

遇有毒無毒有濁無濁有身見事無身見事
有顛倒事無顛倒事有愛事無愛事有隨眠
事無隨眠事緣應知亦尔是故先說有說若
有住此法時有勢有力能有所作猶如健夫
謂於尔時無間引起聖初止觀及起聖見慧
首創冠餘覺支曼餘位不尔是故先說世第

一法有說此法其用最勝能捨異生性得聖
性捨邪性得正性無間能入正性離生餘法
不然故先說世第一法有說行者住此法
時能捨輕動過傭羅綿柳疊絮等諸異生性
能於聖教安住不動如天帝幢是故先說世
第一法有說行者住此法時捨無始來令心

心所成不質直煩惱惡見得未曾得令心心
所成質直性無漏聖道有說行者住此法時
捨五補特伽羅同分謂五無間者得八補特
伽羅同分謂四向四果是故先說世第一法
有作是言世第一法由三事故論先說之一
順經說二止多謗三此剎那得初聖果順經
止謗如前廣說即此剎那得初聖果者謂彼
與世第一法爲無間士用果以如是等諸因
緣故此論先說世第一法

有餘師言尊者於此依逆次第宣說諸法問
若尔此論即應先說阿羅漢果次說不還次
說一來次說預流次說見道然後應說世第

一法何故先說世第一法耶答此中逆說異生身中淨染諸法非說一切初說云何世第一法廣說乃至云何爲煬此則逆說異生身中清淨品法次作是說此二十句薩迦耶見廣說乃至若無有見此則宣說異生身中雜染品法此二品法誰能了知謂無我智是故第二智納息中作如是說頗有一智知一切法乃至廣說此無我智何由而生謂覺緣起是故第三納息作如是說一補特伽羅此生十二支緣起乃至廣說此緣起覺何由而起謂愛及敬是故第四納息作如是說云何愛云何敬乃至廣說如是愛敬何因而生謂慇及愧是故第五納息作如是說云何慇云何愧乃至廣說如是慚愧何由而有爲解法相是故第六納息作如是說色法生老無常乃至廣說此解法相何由而得謂捨無義修習有義是故第七納息作如是說諸修劣苦行當知無義俱乃至廣說誰捨無義修習有義

六
側二

謂能正思正思惟者是故第八納息作如是說云何思云何思惟乃至廣說雜蘊法覺由何明淨謂由結斷是故次說第二結蘊如是結斷由何而證謂由諸智是故次說第三智蘊誰能生起斷結諸智謂無業障補特伽羅是故次說第四業蘊諸業多分依誰而生謂四大種故次第五說大種蘊大種所造勝者是何謂眼等根是故次說第六根蘊諸根清淨由何勢力謂得諸定是故次說第七定蘊有得定已起邪推求便復引生諸惡見趣爲令識相能速斷除故最後說第八見蘊雖於如是一一蘊中具攝諸法而隨增勝制立蘊名故作是說由逆次說異生身中淨染諸法非說一切是故先說世第一法

云何世第一法答若心心所法爲等無間入正性離生是謂世第一法有作是說若五根爲等無間入正性離生是謂世第一法問誰作此說答是舊阿毗達磨者說問彼何葉

故作此說答爲遮餘部故作是說不必惟說五根爲性謂分別論者執信等五根惟是無漏一切異生悉不成就問彼部何故作此執耶答彼由契經故作此執謂契經說若有五根增上猛利平等圓滿多修習故成阿羅漢諸漏永盡從此減下成不還者次復減下成

一來者次復減下成預流者若全無此信等五根我說彼住外異生品由此經故彼執五根惟是無漏爲遮彼意故舊阿毗達磨者說出第一法以五根爲自性世第一法在異生身故知五根亦通有漏異生定不成有爲無漏故問若執五根體惟無漏有何過失答便

違契經如契經說我若於此信等五根未如意知是集是沒是味是過患是出離未能超此天人世間及魔梵等乃至未能證得無上正等菩提乃至廣說非無漏法可作如是品類觀察分別論者作如是言世尊此中說自相觀謂我於此信等五根未如意知集等自

相未能超此天人世間及魔梵等乃至廣說云何觀無漏是集自相耶謂此必因親近善士聽聞正法如理作意法隨法行而集起故云何觀此是沒自相謂要未知當知根沒已知根起已知根沒具知根起故云何觀此是味自相謂此亦是愛所緣故若尔無漏愛所繫耶不尔如仁許無漏法是煩惱境而非所繫我宗亦然愛緣無漏而不能繫斯有何失云何觀無漏是過患自相謂觀無漏是無常故云何觀無漏是出離自相謂涅槃時必捨故如契經說般涅槃時一切有爲皆悉弃捨故言非理所以者何謂此經說我若於此

信等五根未如意知是集沒味過患出離未能證得諸漏永盡無上菩提非自相觀能盡諸漏故彼所說決定非理由此五根非惟無漏又執五根惟無漏者復違經說如契經說惟願世尊演說法要所以者何有諸有情處在世間或生或長有利根者有中根者有軟

側二

八

根者乃至廣說又契經說苾芻當知我昔未轉正法輪時曾以佛眼觀諸有情處在世間或生或長有利中軟諸根差別善容貌善調伏薄塵垢若不聞法退失勝利信等五根若惟無漏應利根者是阿羅漢中根者是不還軟根即是一來預流若余世尊未轉法輪應

已名轉一切聖者於諸世間已充滿故復轉法輪應成無用分別論者作如是言此中根名說所依處不說根體於我何違彼如是言亦不應理違餘經故謂餘經說

生聞梵志往世尊所而白佛言喬答摩尊說根有幾佛言我說二十二根所謂眼根乃至

無失或說此是經部所說謂經部師亦爲遮遣分別論者如前所執故作是言世第一法五根爲性非惟余所九

一有說此是犢子部宗彼部師執世第一法信等五根以爲自性惟此五根是自性善餘雜

此故亦得善名由此五根建立一切賢聖差

廣說彼經豈亦說根所依彼此二經根聲不異一謂根體一謂所依非所極成是自妄執故定應許信等五根亦通有漏問若通有漏彼所引經當云何釋答信等五根實通有漏彼經一向說無漏者所以者何依無漏根建立聖者有差別故有說彼經惟說聖道所以

別不由餘根如契經說若有五根增上猛利平等圓滿多修習故成俱解脫從此減下成慧解脫次復減下成身證次復減下成見至次復減下成信解次復減下成隨法行次復減下成隨信行問今此論宗與犢子部何相
關預而叙彼說答爲令疑者得決定故謂彼

與此所立義宗雖多分同而有少異謂彼部執世第一法惟以信等五根爲性諸異生性一向染污謂欲界繫見苦所斷十種隨眠爲自性故隨眠體是不相應行涅槃有三種謂學無學非學非無學立阿素洛爲第六趣補特伽羅體是實有彼如是等若六若七與此

不同餘多相似勿有疑彼與此皆同故叙彼宗遮顯有異今應問彼若惟五根是自性善所餘善法自性是何若謂彼是不善無記雜五根故亦名善者如是五根與彼相雜何故不名不善無記然信等五與所餘法同一所依同一行相同一所緣一起一住一滅一果

同一等流同一異熟而言五根是自在善餘相雜故假立善名但順妄情不應正理勿有此過故應說言世第一法根非根性

尊者法救作如是言諸心心所是思差別故世第一法以思爲自性尊者覺天作如是說諸心心所體即是心故世第一法以心爲自

性彼二尊者作如是言信等思心前後各異無一並用信等五根爲等無間入見道者約容有義故作是言信等五根能入見道謂或有用信思信心爲等無間入於見道乃至或用慧思慧心爲等無間入於見道若尙應用不相應法爲等無間入於見道彼作是言許

側二

十

亦何失如仁宗說心體前後雖不相應而有所緣能爲無間入於見道我宗亦尙信等思心雖復自體無相應義而有所緣能爲無間入於見道斯有何失有大過失所以者何若信思心爲等無間入見道者既無精進及念定慧應有懈怠忘念散亂惡慧能入見道如是乃至若慧思心爲等無間入見道者既無有信精進念定應有不信懈怠忘念散亂能入見道如是豈不成大過失

爲遮如是種種異執故復說言於此義中若心心所法爲等無間入正性離生是謂世第一法於此義中者謂於此不顛倒此宗此論

此蘊此納息此品類此順契經我及諸餘同
楚行者所許義中如是尊者迦多衍尼子欲
顯自宗世第一法以根非根相應俱有心心
所法爲其自性

問世第一法與苦法智忍爲等無間緣名入
見道爲此滅已方名爲入爲此住位即名入

耶若此滅已方名入者何故此中不言已入
若此住位即名入者異生聖者應成雜亂有
作是言滅已名入問若余此文應說已入余
時見道名已生故答應言已入而說入者此
於究竟說加行聲如今來聲說已來事如世
間說大王今者從何處來彼雖已來而說今

側二士

來此亦如是又如已斷而說今斷如契經說
斷樂斷苦乃至廣說離欲染時苦根已斷今
離第三靜慮染樂根斷時乃說爲斷豈非已
斷而說今斷又如已解脫而說今解脫如契
經說心解脫欲漏有漏無明漏離欲染時心
於欲漏已得解脫今離非想非非想處染心

於有漏無明漏得解脫時乃說爲解脫亦於
已解脫而說今解脫又如已受而說今受如
契經說受樂受時如實知受樂受乃至廣說
彼亦已受而說今受非於受時可了知故此
亦如是雖是已入而說今入有餘師說此文
應言無間而入正性離生彼言無理等無間
入無間而入義有何異如是說者世第一法
住時名入問若余異生應即聖者入聖道故
答無如是過世第一法至住位時苦法智忍
在正生位未成就故不名聖者苦法智忍雖
未已生以在正生名等無間世第一法余時
爲彼等無間緣故名爲入由此故說若心心
所法爲等無間入正性離生是謂世第一法
問若心心所法已入正性離生或當得入亦
是世第一法不答亦是問若余此中何故不
說答若說正入當知則說已入當入若說現
在當知則說過去未來其相一故思心差別
論者作如是言若信思心爲等無間入見道

者惟心思心但爲同類等無間緣如是乃至若慧思心爲等無間入見道者惟慧思心但爲同類等無間緣相似相續論者作如是言心心所法但爲同類等無間緣謂心與心非心所心所與心所非心諸心所中受與受非餘想等亦尓然諸心所非恒相應遇別緣起

謂若欣前境起樂受苦厭前境起苦受若於境中庸起不苦不樂受若欲有所領納生受若欲取像生想若欲有所作生思乃至若欲有所抉擇生慧故諸心所非恒相應若尓已起心心所法應不皆作等無間緣彼作是言一切能作等無間緣然非無間如作宗許出

測二

十二

無想時雖五百劫無心心所而用入位心心所法爲今出位等無間緣我宗亦尓雖同類法多時間斷而前爲後等無間緣斯有何失彼言無理所以者何有心無心義各別故又相應法有即與果有未與果不應理故未生心等非等無間預作彼緣不應理故又彼違

害品類足說如說云何心等無間法謂心無間餘心心所法或已生或正生及無想定滅盡定或已生或正生又若尓者復有別過謂若從有尋有伺地心心所法無間無尋惟伺地或無尋無伺地心心所法現在前前地已起心心所法應非後地等無間緣不相似故乃至若從無尋無伺地心心所法無間無尋惟伺地或有尋有伺地心心所法現在前說亦如是善不善無記等心心所法展轉無間其過亦尓前若非後等無間緣後旣無緣應不得起若謂後起由前隔越同類諸法等無間緣此亦不然在有心位隔越爲緣不應理故又初無漏及無始來曾所未起殊勝有漏彼旣無有前起同類等無間緣應不得起又彼所言有大過失謂貪無間應常起貪無時伏貪起不淨觀若瞋無間應常起瞋無時伏瞋起慈悲觀若癡無間應常起癡無時伏癡起因緣觀起我見等如理應知執異類起無

測二

十三

近緣故又此勝善曾未起故是則善心無由得起若爾則無得解脫義勿有如是種種過失是故應許前生心聚爲後生聚等無間緣若等不等前於後生開避力同如穀豆聚問世第一法現在前時所修未來心心所法彼法亦是世第一法不有說彼非世第一法所以者何以此中說若心心所法爲等無間入正性離王是謂世第一法彼未來者既不能作等無間緣是故彼非世第一法又彼若是世第一法則世第一法應有多心便違後文世第一法應言一心非衆多心如是說者彼法亦是世第一法若彼法非世第一法便與智蘊所說相違如說若有未曾得道現在前時修餘未來彼種類道若執彼非世第一法云何名爲彼種類道問彼不能作等無間緣如何可名世第一法答彼雖不作等無間緣而能隨順由起得故譬如苾芻與僧欲法謂如僧衆布灑他時有諸苾芻雖不在衆由與

欲故得布灑他諸餘僧事亦得成立如是未來所修種類雖不能作等無間緣而起自得顯相隨順設彼不起顯相順得此不能作等無間緣此能爲緣由彼順力彼於聖道起不礙力強故問若彼亦是世第一法此中本論何故不說答應說而不說者當知此義有餘復次若有能作等無間緣此中即說彼不能作等無間緣是故不說復次若行世者此中說之彼不行世是故不說復次若能取果與果此中說之彼不能取果與果是故不說後次若因長養得而亦在身者此中說之彼雖因長養得而不在身是故不說復次若有勢力能修未來此中即說彼無修力故不說之復次若心彼因彼心此果此中即說彼法不爾故不說之復次若法酬因亦能取果在身緣境此中即說彼法不爾故不說之復次若具二修此中即說彼惟得修無行修義故不說之復次若有作用此中說之彼無作用是

故不說問若爾何故此後文說世第一法非多心耶答彼說現世有作用者惟有一心非說一切若說一切實有多心未來世中有多品類種類同故雖非所修尚得名爲世第一法況所修者而非是耶故有問言頗有相應世第一法而不與苦法智忍作等無間緣耶

答有謂即未來所修種類問世第一法隨轉

色心不相應行爲是世第一法不有作是說彼非世第一法由此中言若心心所法爲等無間入正性離生是謂世第一法彼不能作等無間緣是故不名世第一法如是說者彼法亦是世第一法問彼既不作等無間緣云何得名世第一法答彼雖不作等無間緣而能隨順由彼與此心心所法一起一住一滅一果一等流一異熟極親近故問若爾此中何故不說答應說而不說者當知此義有餘復次若法能作等無間緣此中即說彼法不余故不說之復次若法因長養得而有所緣

此中即說彼法不余故不說之復次若法相應有所依有行相有所緣有警覺此中說之彼法不余是故不說故有問言頗有現在世第一法非苦法智忍等無間緣耶答有謂此隨轉色心不相應行

阿毗達磨大毗婆沙論卷第二

十五末

惻二

煥煥二同誥起一
馳嗜上丁舍反一
薩迦邪見下音視一
莊俱音相一
灑反一

阿毗達磨大毗婆沙論卷第三

惻三

五百大阿羅漢等造 三藏法師玄奘奉 譯

雜蘊第一中世第一法納息第 之二
問已知世第一法隨轉生住老無常亦是世第一法彼得爲亦是世第一法不設是或非俱有何失若彼得亦是世第一法者得聖果陳